

ՀԱՆՐԱՅԻՆ ՔՆՆԱՐԿՄԱՆ ԱՐՁԱՆԱԳՐՈՒԹՅՈՒՆ

ք. Էջմիածին

26 մարտի 2024թ.

Ժամը 11:30-ին

«Շրջակա միջավայրի վրա ազդեցության գնահատման և փորձաքննության մասին» ՀՀ օրենքի և ՀՀ Կառավարության 19.11.2014 թվականի թիվ 1325-Ն որոշմամբ սահմանված կարգով, 2024 թվականի մարտի 26-ին՝ ժամը 11:30-ին, Վաղարշապատի համայնքապետարանի «Մակար Եկմայանի անվան թիվ 1 երաշտական դպրոց» ՀՈԱԿ-ի շենքում /Հասցեն՝ ք.Էջմիածին Կոմիտասի հրապարակ 0 շենք/ կայացավ «ԻՄԵՋԻՆԵՐԵՎԱՆ» ՍՊԸ-ի /հասցե՝ Երևան, Կենտրոն, Ծովակալ Իսակովի պողոտա, 15/3, տնօրեն՝ Արտակ Աշխատոյան/ կողմից Վաղարշապատ համայնք, ք. Էջմիածին, **Մարզարայի խճուղի թիվ 12 հասցեում նախատեսվող տարածքի բարեկարգման, նոր երեք հարկանի շենքի կառուցման, գոյություն ունեցող շենքի ճակատների երեսապատման, թարմեցման և կցակառույցի ավելացման նախագծային** փաստաթղթերի վերաբերյալ հանրային քննարկում /1-ին փուլ/:

**Ելույթներ.**

**Մ.Պողոսյան** - Բացման խոսքով հանդես եկավ Վաղարշապատ համայնքի ղեկավարի խորհրդական Մարիամ Պողոսյանը: Ողջունելով ներկաներին, Մ.Պողոսյանը նշեց, որ հանրային քննարկման մասին հանրության լայն շերտի տեղեկացվածությունն ապահովելու համար համայնքապետարանը ձեռնարկել է օրենքով սահմանված բոլոր միջոցները: Մասնավորապես՝ հանրային քննարկման մասին ամբողջական տեղեկատվությունը տեղադրվել է համայնքային կառավարման տեղեկատվական բոլոր հարթակներում, տպագրվել է թերթում, հայտարարությունը փակցվել է հայտարարությունների համար առանձնցված հատվածներում: Հաշվի առնելով աշխատանքային ժամը, նաև հնարավորություն է տրվել առաջարկություններ և/կամ առարկություններ ներկայացնել համայնքապետարան՝ էլեկտրոնային կամ առձեռն եղանակով: Մ.Պողոսյանը հավելեց, որ էլեկտրոնային կամ առձեռն եղանակով առաջարկություններ կամ առարկություններ չեն ստացվել:

**Ս. Գույումջյան** - Ճարտարապետ Սվետլանա Գույումջյանը ներկայացրեց, որ հողատարածքի ընդհանուր մակերեսը՝ 55601քմ է, կառուցապատման մակերեսը՝ 14481քմ, անջրանցիկ տարածքները՝ 28962քմ, կանաչապատ տարածք՝ 9300քմ, նախատեսվում է կառուցել նոր երեք հարկանի շենք, գոյություն ունեցող շենքի ճակատների երեսապատում, թարմեցում և կցակառույցի ավելացում: Տարածքում ունենք 4 դաշտ, որոնք ենթակա են վերակառուցման: Նախատեսում է կառուցել ժանակակից լուծումներով նոր շինություն, որը կծառայի հենց որպես ակադեմիայի վարչական շենք՝ մարզումների, վերականգնողական պրոցեդուրաների, բուժսպասարկման և հանգստի համար՝ հագեցած միջազգային ստանդարտների հարմարություններով: Այստեղ կտեղակայվի հիմնական՝ առաջին



Ֆուտբոլային թիմը: Իսկ գոյություն ունեցող կառույցը նախատեսում ենք բարեկարգել՝ համաձայն ակադեմիայի զարգացման հեռանկարային ծրագրերի (նոր սերնդի ընդունելու ակնկալիքով): Այս եռահարկ շենքի առաջին հարկում տեղակայված են հանդերձարանները և մարզասրահը՝ բաղկացուցիչ պարտադիր հատվածներով (բժշկի սենյակ, հանգստի գոտի), երկրորդ և երրորդ հարկերը՝ ադմինիստրատիվ հատվածն է: Տարածքում նաև ունենք լողավազան, որը ենթակա է բարեկարգման, ավտոկայանատեղի, որը հիմնական շինության դիմաց է տեղակայված:

**Հարց ու պատասխանի ընթացքում հնչեցին հետևյալ հարցերը.**

**Մ. Պողոսյան – Այդ ընթացքում պարապմունքները ակադեմիայում դադարելու են թե՞ ոչ:**

**Հ. Սիմոնյան – Ծրագրի ղեկավար Հեղինե Սիմոնյանը նշեց, որ աշխատանքները ծավալվելու են սահմանափակ տարածքում՝ բոլոր անվտանգային նորմերի պահպանմամբ, ինչը թույլ կտա անցկացնել բնականոն պարապմունքներ:**

**Հ. Սիմոնյանը հավելեց, որ լիահույս են, որ տարածքի բարեկարգումը և նոր վարչական շենքի կառուցումը նոր հեռանկար կբացի ակադեմիայի գործունեության համար, կկարողանան առավել մեծ թվով դիմորդներ ընդունել և զարգացնել ոլորտը՝ ներդնելով միջազգային լավագույն փորձը և ներգրավելով միջազգային լավագույն մասնագետների:**

**Հարցերի բացակայության հիմքով հանրային լսումն ավարտվեց:**

**Որոշում.**

**Որոշվեց հանրային լսման արձանագրությունը ներկայացնել համայնքի ավագանուն:**

**Հանրային լսման նախաձեռնող՝**

**«ԻՄԵՋԻՆԵՐԵՎԱՆ» ՍՊԸ տնօրեն Ա. Աշխատոյան**

**Արձանագրող՝ Մ. Պողոսյան**

